

O roubo masivo de datos de tarxetas de crédito en EE.UU. chega a Galicia

Escrito por

Mércores, 22 Xuño 2005 06:06

O roubo masivo de datos de 40 millóns de tarxetas de crédito Visa e Mastercard destapado en EE.UU. o pasado sábado chegou a Galicia. Segundo pódose confirmar onte, algúns bancos e caixas de aforros con presenza nesta comunidade autónoma xa se puxeron en contacto cos seus clientes afectados para lles advertir da situación e de que as tarxetas serían bloqueadas nese mesmo momento para posteriormente emitir outras novas.

Un portavoz de Servired informou de que dos 40 millóns de datos roubados, 55.000 corresponden as tarxetas emitidas por bancos e caixas de aforros adscritas a Euro 6000, 4B e Servired. Asegurou tamén que en ningún momento se detectou tentativa algunha de utilización do diñeiro electrónico por parte do pirata (ou piratas) informático que executou o roubo.

En calquer caso, subliñouse que se nalgún momento se procedese á utilización dos datos roubados, o consumidor nunca asumirá a o fraude económico. «Ademais engadiu-, os bancos e caixas xa teñen os números das tarxetas afectadas e ou ben se están a por en contacto cos seus clientes para anular as tarxetas ou están a ollar con catro ollos todas as operacións que se están a realizar con elas». Os titulares de Visa e MasterCard que agora se atopan co problema son aqueles que realizaron algunha compra nuns cen mil comercios de Estados Unidos de maneira física ou a través de Internet. Estes establecementos tiñan en común a entidade intermediaria para procesar sistemas de pago no país. O seu nome é CardSystems Solutions, que sufriu o ataque dun pirata informático aos seus servidores.

—

[Ler nova completa da Voz de Galicia](#)